

deklivaĵo farita sur ~o por forfluado de pluvakvo.

Stratego. 1 Arto prepari planon de milito k plej bone kombini la movojn de armeo por konduki ĝin al renkonto kun la malamiko. Kp TAKTIKO. 2 (f) Arto lerte kombini rimedojn por trafi iun politikan celon.

strebi Z (ntr). Energie streĉi la fortojn de la korpo aŭ de la spirito por atingi iun celon : ~i al iu celo Z ; al malpieco ~as ilia animo Z ; ekzistas homoj, kiuj de tempo al tempo sentas ~adon al poezio Z. Kp PENI, ASPIRI, SOPIRI.

* **Streĉi** (tr). 1 Rigidigi ŝnuron aŭ ion similan forte tirante ĝin : ~i la muskolojn, la kolon, la brakon ; liaj haroj ~igis pro timo Z ; ~e laĉita korselo ; supren~igi sur la piedfingroj ; brusto~i (pretendeme sin elmontri. Vd PAVO, PARADI) ; (f) ~itaĵ (ĝis ekstreme ~itaĵ k apenaŭ ne rompitaĵ) diplomaciaj rilatoj ; ~ita situacio. Kp ETENDI, STERNI. 2 Tiri aŭ premi elastan korpon por dumtempe ŝanĝi ĝian normalan aŭ naturan formon : ~i pafarkon, risorton B, horloĝon B. Kp TORDI. 3 (f) Energie uzi siajn korpajn aŭ spiritajn fortojn por atingi iun celon : ~u la okulojn Z ; ~i la orelojn, la atenton B, la rigardon Z, la cerbon D, la pensojn D ; kiu transmovas ŝtonojn, tiu faras al si difekton per ~o Z ; tenu la okulojn en ~o Z ; nur post preskaŭ superhoma ~ado ili fine alvenis ; fari grandajn fortojn por ; ~ita marŝo B ; tio postulas la ~igon de ĉiuj fortoj de la prudento k volo Z (Kp PENI). ~a. 1 Malpufa : ~a vesto (Kp STRIKTA). 2 Ekstreme energia : la vivo estas ~a batalo Z ; ~a atendado ; esti ĉiam en ~a preteco.

* **Streki** (tr). 1 Desegni linion per unusola movo de krajono aŭ plumo. 2 Estigi linion : nuboj da anasoj ~is grandan rondon B ; ~i per la fingroj tra sia hararo ; fulmoj ~is la mallumajon. El~i, for~i (tr). Forigi, nuligi tra~ante ; fari ~on sur io skribita por nuligi ĝin : el~i la viandon el sia labelo de manĝoj K ; ili estas el~itaĵ el la libro de vivantoj Z. Sub~i (tr). 1 Fari ~on sub io skribita. 2 (f) Akcenti, insisti pri io : specialan sub~on meritas la fakto, ke. Tra~i (tr). Fari oblikvajn ~ojn tra io : la tero estis tra~ita per longaj nealtaj muroj. Ombro~o.

Paralelaj ~oj por prezenti la ombrojn en la desegnoj k gravuraĵoj. Voj~o. Mallarĝa vojo : mi irigos vin sur rekta voj~o Z ; la voj~on de malpiuloj ne iru Z. Kp STRIO, TRAJTO, RUBANDO, VEJNO, TIRI, DESEĜNI.

* **Strio.** 1 Longa mallarĝa peco kun paralelaj randoj : ~o de ŝtofo D ; junebra ~o D ; ~o da tero B ; pro la miasmoj ni ligis tolojn ~ojn antaŭ la naztruojn ; volvi tabakon en ~on de papero Z ; kofro kun feraj ~oj k kun ronda kovrilo B. Kp RUBANDO, ZONO, BENDO, VINDO, OKULKOVRILO, BLINDIGILO, BANDEROLO. 2 Larga streko : serpento verda kun blua ~o sur korpo ; el la lada pluvtubo fluis sur la pavimon mallarĝa akva ~o B ; ~o da arbetoj ; restis nenia lum~o (f). Kp OMBRO 4) de espero ; post~o de ŝipo en la akvo. ~i (tr). Fari ~ojn, kovri per ~oj : ~ataĵ aŭ multkoloraj ĉevaloj B ; la monteto estis kovrita de grandaj rokoj k ~ita de sulkoj el grejso. Relief~o. Modluro.


* **Strigo.** Viandmanganta noktobirdo (striz).

Strigli (tr). Brosi k purigi haŭton k harojn de ĉevalo aŭ hejma besto. ~ilo. Speciala ilo por ~i, konsistanta el kelkaj paralelaj metalaj kombiloj.

* **Striko.** Intencita ĉeso de laboro celanta devigi la mastron kontentigi la postulojn de la salajratoj. **Mastro~o.** Ĉeso de laboro ordonata de mastro por cedi la salajratojn ; lokaŭto. ~i (ntr). Intence ĉesigi la laboron : (f) mia memoro ofte ~as (haltas, ne funkcias).

striкта Z. 1 Alĝustigita, malpufa : li havis sur si ~an veston Z ; kamizolo sidis sur mi ~e k streĉite Z. 2 Severe preciza, rigora, ne permesanta deflankigon : ~a devo, ordono, regulo, senco, silento ; oni devos fiksi pli ~e la uzon de konjunktivo ; tio transpaŝas la ~an bazon de la intertraktado ; tion mi ne povas fari inter la ~aj limoj de mia recenza rubriko.

Striknino. Tre venena maldolĉa alkaloido uzata en medicino.

strobilo  Frukto de koniferoj : abio, pino havas ~ojn.

Strofo. Ĉiu el la sammezuraj, samarangaj k samtaktaj dividoj de lirika versaĵo. Kp STANCO, REKANTAJO.